

## Ntntenw

- 1)- N taara n buranna na, n taar'u bɛɛ jɔlɛn sɔrɔ u sen kelen kan : dalakon.
- 2)- N'i ye nturi ye; i b'a fɔ ntari; n'i ye ntari ye; i b'a fɔ nturi : Sunsungeren ni kɔɔrigeren.
- 3)- N ye mɔ ci, mɔ y'a ta sara n na : Bugurinje
- 4)- N taara n buranna na, n taar'u bɛɛ kun sɛmɛlɛn sɔrɔ kɔlɔkɔ la : Kolonkalan.
- 5)- N ye n to cun, ka cunkan mɛn : Dununkan ni balakan.
- 6)- Kulusi jeninna k'a jala to : Siraden.
- 7)- Forobafilɛn cira, kalabaga ma sɔrɔ a la : Dugukolo.
- 8)- Tukɔrɔ ba biɛ jan : Nganden.
- 9)- N taara n buranna na, n burannakaw ye dɛbɛn da n ye, n ma kɔ ni jɛ dɔn a la : Diwaga.
- 10)- Don o don, nin dennin bɛ taa lahara ka segin : Jurufilɛn.
- 11)- Sanfɛfilɛlaw bɛ sanfɛfilɛ la : Sɔrɔ.
- 12)- Dugumafilɛlaw bɛ dugumafilɛ la : Keninge.
- 13)- Forobakɔri jera bɔbaga t'a la : Kalo.
- 14)- Hun : Bokasa.
- 15)- Hun - Hun : Musokɔrɔnin jɔlɛn a jinto ra.
- 16)- Kɔtɔrɔkonin bugulɛn don a fan kan : Tiganinkurun.
- 17)- Kolonju kɔrɔ bulukubeleke : Dɛnjɛrɛnnin.
- 18)- N ye n ka biɛ fili tutudo ka taa a ta wɔlɔdo : Bara dannɛn.
- 19)- N donna janamaw cɛla, u ma kuma, n donna suw cɛla, u kumana : Furakɛnɛ ni furajalan.
- 20)- N ye n ka muru ci fara kan, a ma gɔlɔn; n y'a ci ji kan, a gɔlɔnna : Sisejolo.
- 21)- Kami ko caan, a taara a kili da Mandɛn : Marifa.
- 22)- Tubabu binna ji la, a kɛra farafin ye : Finfin.
- 23)- a bibi, a baba : Sankolo ni dugukolo.
- 24)- Cɛ kɛmɛ kurusijala kɛlɛn : Furanan.
- 25)- Naloma sigilɛn ye so fa : Lapan
- 26)- Kaana ku bɛ ji la minɔgɔ b'a la : Mɔgɔ tɛ sɛ k'i balimamusɔ furu.
- 27)- Kolon kɔrɔ dugurudɛgɛrɛ : Kɔrɔmɛsɔ.
- 28)- Fɛn kɛlɛn bɛ taama diɛnɛ sɛlɛkɛ naani bɛɛ la : Saya.
- 29)- Fɛn kɛlɛn bɛ yɛn, n'a kɔnɔma don a ka di bɛɛ ye, n'a jiginna a man di mɔgɔ si ye : Jiginɛ.
- 30)- Fɛn dɔ bɛ yɛn, a bɛ dumuni kɛ n'a ju ye, k'a labɔ a da fɛ : Marifa.
- 31)- Fɛn dɔ bɛ yɛn, a ka jan ni sɛbɛsun ye, nka a bɛ sɛ ka kuru ka bila filɛn jukɔrɔ : Jurukisɛ.
- 32)- Yan fɔ Mandɛn n bɛ papuguba don na : Sɛnɛ.
- 33)- Nin fini in ma di a fɛɛrɛbaga ye, a man di a sanbaga ye, a man di a donbaga ye : Kasangɛ.
- 34)- N ka kɔrɔmɛsɔ sigilɛn jɛliw bɛ k'a mabalima : Bo ni dimogo.
- 35)- N ye n ka saga faga, a joli ma bɔ; n y'a bosɔ a joli ma bɔ; n y'a dun, a joli bɔra : Woro.
- 36)- Kɔlɔnnin falɛn da tɛ a la : Shɛfan.
- 37)- N taara an ka dugu, dugudɛnw ye jɛman ye, dugutigi ye bilɛnman ye : Dakɔnɔna.
- 38)- Nin ye cɛ dɔ ye, musɔ saba b'a bolo, n'a ye kɛlɛn bila, tɔ fila tɛ mako jɛ :  
Gakuluw.